



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 277. Num posito, Papam posse dissolvere Matrimonium ratum,
possit id ipsum quoque licite & valide, ubi non adest causa rationalibus &
justa.

[urn:nbn:de:hbz:466:1-73973](https://nbn-resolving.de/urn:nbn:de:hbz:466:1-73973)

priori sententiæ dispensarent quodogus in matrimonio rato, non convinci, certum esse, Pontificem habere hanc potestatem, sed solum esse valde probabile, sufficereque probabilitatem opposita sententiæ, ut Pontifices dispensando securè, tutaque conscientiâ procedant, nullumque errorem in praxi committant, tametsi speculativè loquendo erent, quod non est inconveniens, cùm error non sit de jure, sed de facto, & non communī, sed particulari, veruntamen non video, cur re ipsa non intercedat hic error juris, quæstio enim juris est, an Papa habeat à Christo potestatem solvendi matrimonia rata, circa quam utique errant, judicando se eam habere, si re ipsa non haberent. Adde quod error ille praetius est valde nocivus, & traheret secum maxima inconveniens, dum Pontifices carentea ea potestate invalidè dispensando existent occasio adulteriorum materialium, quæ committerentur à talibus ineuntibus alia matrimonia, utpote invalida. Ad argumentum desumptum à relaxatione voti & juramenti respondent negando paritatem, eo quod per dissolutionem illam matrimonii directè relaxetur lex illa divina: quod Deus coniunxit, homo non separat: quæ gratis dicitur intelligenda de matrimonio consummato; cùm juncta testimonio Papa in cit. c. ex parte, quod matrimonia, ex quo contracta, solvi non possint sine revelatione Dei, satis probat, divina lege prohiberi dissolutionem matrimonii etiam rati tantum ab homine, nisi id habeat DEI revelatione, quæ sanguinariæ relatio non includitur in potestate ligandi ac solvendi concessa à Christo Pontifici. E contra à Papa relaxando votum vel juramentum directè non mutetur aut relaxetur lex divina: eo quod qui remittit debitum justitia non relaxat aut solvit jus naturale, dictans, iure debitum esse persolvendum, quamdiu non est solutum vel remissum, cùm remisso debito jus naturale perstat ut ante, & solum indirectè tollitur ejus applicatio ad hoc subjectum, sita in debito nondum soluto vel remisso. Parimodo lex divina præcipiens reddi DEO, quod ei voto promisum est, remisso voti debito salva perstat, & solum hic & nunc eum, qui votum emisit, & ex eo contraxit debitum, non obligat, quia hoc ei remisum. Posse autem Papam ejusmodi debita, quæ homo contraxit præmissione DEO facta remittere potest vicaria, ex ipsa potestate, quæ Christus eum suum in terris constituit, recte infertur. Ad argumentum desumptum à professione religiosa dicunt eorum aliqui, Castrop, sentiente contrarium, cùm Barb. in c. ex publico. n. 10. ciratisque ab eo Scotto, Soro, Victoria, Corduba &c. non solo iure Pontificio per professionem solvi matrimonium ratum, sed, quod ea dirimat matrimonium, esse ex Christi privilegio, adeoque ex jure divino positivo. Sed de hoc paulò post. Ad hæc dicunt, non rectè argui à potestate solvendi professionem religiosam, seu votum solennead potestatem solvendi matrimonium ratum. Rationem disparitatis dant; quod in professione fiat traditio religioni, quam acceptat Prælatus religionis, quo non acceptante, ista vota non obligant; Papa autem sit ordinarius, cui tanquam superiori religiosi sit quoque illa traditio, qui proinde potest eam rejicere, vel etiam acceptatam fennel remittere, quæ rejectione vel remissione posita, cessat obligatio statu religiosi. Ad illud, quod dicunt, pro licito & valido semper præsumi factum superioris etiam in dubio positivo, respondent, plus hinc non inferri, quæcumquid sententia affirmans sit probabiliSSIMA, & in praxi, ut Pontifices bona fide possint dispensare, omnino tutam, non tamen quod sit omnino certa; cùm præsumptio juris de jure re ipsa possit esse falsa. Ad illud denique, quod ex Matth. de Moya tract. 1. de opin. prob. c. 9. n. 25. & Sylv. v. volum. 4. n. 5. & alii affercur, nimis quod quando circa rem, qua est juris divini duæ dantur sententiae probabiles, una negans, altera concedens Papæ potestatem valide dispensandi, Papa post adhibitarum maturam utriusque sententiæ considerationem, præmiumque Theologorum examen diligens & accuratum, auditis etiam Cardinalium votis se ad unam partem determinaret, hæc Pontificis determinatio canonizata maneret, & ad eum certitudinis gradum ascenderet sententia, quam complexus, ut contraria nullam amplius habere probabilitatem; habererque tunc dispensatio à Papa facta vim statuti; adeoque sicut post maturum consilium Pontifex statueret, ac verè definit, licet sibi, seu posse se in hoc dispensare, necessariò standum est hujusmodi statuto, sic etiam tali ejus factio. Ad hoc, inquam, respondent Castrop. & Pont. negando id ipsum, nimis illud factum Pontificis, roties etiam repetitum, adducere sententiam illam ad tantam certitudinem, quamvis ipsi adversarii ei tribuant, multoq[ue] minus æquivalere statuto, seu definitioni Papali quæ tali, seu qualem faceret Papal loquens ex Cathedra. De quo vide Pont. L. 9. c. 3. nn. 4. ubi ostendit ab Alex. III. in append. Concil. Lateran. p. 6. c. 8. reprobatum quorundam prædecessorum judicium de potentia dissolvendi matrimonium ratum. Nihilominus relatis his utriusque sententiæ fundamentis, spectata praxi, standum esse pro summorum Pontificis potestate, reverentia exigit.

Quæst. 277. Num posito, Papam posse dissolvere matrimonium ratum, posse id ipsum quoque licetè & validè, ubi non adest causa rationabilis & iusta.

R Esp. Non tantum ad hoc, ut licetè dispense, sed etiam ad valorem talis dispensationis seu dissolutionis matrimonii requiritur causa justa. Sanch. L. 2. d. 15. n. 6. Pirk. ad iii. de spons. & marr. n. 145. dicens sic docere communiter Theologos & Canonistas apud Tanner. d. 8. dn. 4. nn. 68. eo quod in iure naturali ac divino, ex quo oriuntur indissolubilitas matrimonii, etiam rati tantum, nec licetè nec validè, uti nec in voto simplici, nisi adsit causa justa, dispensare potest; cùm in his non sit dominus, sed dispenlator. Porro causa justæ dissolvendi matrimonium ratum sunt gravis timor scandalorum magnorum futurorum, lepra supervenientis uni conjugum, & similes, quas vide apud Sanch. L. 2. d. 16.

Quæst. 278. An dissolvatur matrimonium ratum fidelium per suscepctionem ordinum sacrorum.

R Esp. negativè. Sanch. L. 2. d. 18. Castrop. de sponsal. d. 3. p. 2. §. 4. nn. 1. cum communione omnium juxta expressam decisionem extrav. antiqua. Joan. XXII. de voto.

Quæst. 279. An & qualiter dissolvatur matrimonium ratum per vota simplicia & professionem religiosam.

I. Resp.